

求是堂詩集

求是堂詩集卷九

藏海集

涇縣

胡承珙

豐莊

讀史雜詠

曜靈躔蒼穹羲和無頓鞭懸烽未及轉倏出奔驥前撫今
跡已往感舊情忽遷昔時高陽侶相逢非少年修名苦不
立世路多迤邐鵲鳩日夜鳴眾芳無餘妍惻愴思歸引慷慨
勵志篇君看松與柏歲莫自蒼然

十年事奔走不供衣食謀豈不慕紛華苟得誠所羞長安
四五月槐榆蔭道周九衢悉洞達軒車如水流所趨一以
異對面成山邱主父慕五鼎王郎思八驕草元甘寂寞分

定吾何求

江河不灌溉不若溝與渠桐梓不垂蔭不若槐與榆物情
貴兼濟隨分良有餘儒效有本末託始鄉曲譽藿食無立
志肉食終何如廣廈構方寸森然橫萬區虎豹守九關帝
閭不可呼神仙足官府杞人毋乃愚

皇風散淳朴巧僞爭鮮新乾坤幾龍鬬大道生荆榛飄風
不終夕凍雨不及晨貌合勝膠漆心殊生隰畛平生笑餘
耳舉世稀雷陳遐哉陶處士脫畧無冠巾停雲憶親友嘉
月邀比鄰歡然酌斗酒一往皆天真

重寓保安寺示舍弟景湯

依舊帷龕照讀燈髻絲禪榻記吾曾頻更憂患宜皈佛絕
淡生涯本近僧古樹月明窗有影晚鐘風定語相磨只應
兄弟聯牀夢飄泊相逢感倍增

哭從姪茂才先玉

病不能名死太奇鄉關遙望不勝悲家駒每自誇千里庭

樹時猶夢一枝泣玉果然詩是識

姪丁卯鄉試五言詩揮
語涉不祥時頗懼之

金丹乃善難爲

姪近以賣賊得金
大半散之戚友

無聊幾欲呼天問臣叔

如今祇益癡

豈有銅盤具竹林曾挑燈火共更深貧家門戶憑書種少
日文章度繡鍼萬慮不虞聞汝計一官何限負余心溪橋

暫別成千古覆檢題籤淚滿衿

予架上書多屬姪以小楷記其卷帙

襖衫猶白鬢全青想像邪衾目肯瞑仙島屢回登岸棧佛
場空展度人經神清叔寶終非福骨冷方干可有靈永夕
秋墳詩唱苦何時宿草爲書銘

果否修文有玉京叢殘著述未終成一經槐市空前約幾

處齏鹽畢此生朋輩書來皆咄咄阿奴腸斷獨惇惇

謂其弟先

座

同時掌上明珠碎

予幼女先二日殤

不敵烏衣最愴情

移寓城北次韻答蘭坡編修二首

形影相依也自親不煩祭竈請比鄰支離木榻都忘我舒
卷羅帷似有人明月又逢三五夜金樽休歎十千貧天街

暢好平如水祇惜清輝隔禁闥

往日吟篇費琢磨只今離索奈愁何天涯憶客青燈淚

詩來

及家玉鑊時花裏輸君白雪歌注就蟲魚誤待覆

時以拙著小爾

雅疏相書成蛇蚓紙偏多紫藤滿架須開徑莫待遲看萬

柄荷

來詩有積水潭看荷之約

清水吟爲衛貞女作

女幼許聘外兄趙某未嫁而某殂女矢不改適居

十年年二十二舅始憐之請於其父母而迎歸焉

女家在涇水側涇水亦謂之清水故爲作清水吟

云

清水何泠泠竹竿何嫋嫋上有孤飛鸞下有獨活草婚姻
重婚姻締結自孩抱郎家門前水向妾門前繞郎騎竹馬
來妾年比郎小驚風一朝吹十三郎遽天妾身未分明妾
心已枯槁十二未亡人廿二紅顏老可憐衛女志卓立眞
矯矯廟見始成婦此禮吾能考雖爲賢智過勵俗曷可少
兔絲終有依不妨梅實標寡鵠終有巢不妨集于蓼于飛
不得雙于歸亦有道父母哀女嫠嫁衣製織編舅姑念女
貞空房預灑掃素車方在門鉛華屏已早兩族多衣冠送
迎徧黃皓嘖嘖路旁言完璧此歸趙慟哭拜郎墳高城欲
崩倒恨不從黃泉漆燈螢擾擾此身未分明此心終自保

清水無濁波清風一何好異日懷清臺門閭庶堪表

三月三日偕同人游法源崇效諸寺看花

城北漠漠多風沙曉鐘欲動聞號雅忽思禊節肯虛度借
馬往看城南花日學雕蟲苦無味役手作書笑紙費出門
始覺春已深暝綠浮紅有佳氣城南古寺饒傑構梵語鈴
聲答清晝龕燈照讀會幾時八載光陰倏馳驟壬戌春會寓法源寺
爐烟繚繞獅王臺我

皇特爲祈年來

是日駕幸法源寺拈香

幹回造化足元氣萬花爛熳

同時開丁香細解紫囊結海棠亂擁紅雲堆僧寮愛惜戒
攀折繞樹一一懸花牌處處花陰靜鋪地游人每先蜂蝶

至香氣初離青豆房鐘聲又引紅泥寺看花倦憇禪堂劫
茗椀屢挹枯腸澆靜觀如入眾香國圍坐便成七客寮就
中數客苦難暇文戰豫備千軍鏖屬花未謝且少待十日
更鬪金樽豪我亦戀花歸不得玉堂清課奈方急歸眠紙
閣牽夢魂猶道城南忘城北

寄懷家蓮浦孝廉下第南歸並柬玉鏤翥雲二首

漢室無人薦子虛歸心迢遞賦閒居有親善養何須祿似
爾清才合著書千里分飛隨去鳥廿年同隊憶游魚故園
多少經行處花藥成行竹翳如

山川何地可埋憂瀟灑如君淚亦流引鑑忽驚星在鬢持

杯休負月當頭白蘋江冷秋移棹

蒨雲將作楚游

紅葉林深晚倚

樓

玉鑣家居築小樓

知否京華炊玉客晝簾閒卧夢歸舟

清明

天街微雨溼春聲歸路三千夢
哀程杏酪棗糕風味別紫
藤花底度清明

四月八日

近寺鐘聲喚客眠誰家浴佛費金錢
故園今日龍華會兒
女青紅又一年

寓齋夜坐

高城下嚴鑰夕陰落簷際稍稍雀
隱枝寂寂蟬覆翳明月

生海東浮雲互虧蔽佳人渺天末尺書袖中敝常恐秋風
生幽芳歇蘭蕙空庭坐來久白露團蘚砌鄰寺夜鐘聲輕
烟共搖曳

待雨

濃雲壓天天欲低雨勢尚在西山西雲頭黑罩雨脚白金
蛇一掣光離迷天半歸鴉急無數風湧濤聲撼高樹豐隆
驅雲雲不行隱隱雷車落何處須臾解駁青天光亂蟬依
舊嘶斜陽莫怨東晴妬西雨試看爽氣浮衣裳不爾那得
如許今宵涼

雨後煮茶

井水爲鹵河水渾往往到噪不可吞豈無佳人比佳茗泥
中那忍令橫陳昨宵一雨簷溜急淨洗屋上青苔痕呼僮
預備貯水器瓶甕盞盎盤盂盆一泓湛然照眼碧乃似不
著地上塵地爐活火蟹眼沸一勺便欲清心魂玉堂寶書
泥可讀金莖沆瀣安足論苦水十錢買一石飲此詎可忘
其源安得一年三十六度雨使我大瓢小杓常漣淪涓滴
入硯鸚鵡眼活作詩報答甘泉恩

積雨遣悶二首

空齋有客唱愁霖六月陰寒襲葛襟咫尺每愁窮巷隔蒼
茫都恐好山沉閒看溼鳥依簷避靜覺涼蟬抱葉瘖不把

殘編消永日離居誰禁此時心

九衢掀淖盡成溝聞道郊原更亂流
轉漕東南遲大艫浮雲西北傍高樓
愁中簾幕陰先晚夢裏江湖氣似秋
十日荒厨薪米貴令人鰕菜憶扁舟

立秋日晴

西山入戶明爲送晚來晴殘暑雨中盡
早涼天外生疎花兼蝶瘦高樹帶蟬清
欲向南飛雁烟波問去程落葉含殘滴
浮雲帶薄陰因之秋士賦重以故鄉心
落拓雙蓬鬢蕭疎一葛襟何人吹鐵笛
時作水龍吟

七夕詞

銀浦烟明露華冷立盡黃姑渡頭影
喬雲作錦龍作梭機絲軋軋翠蛾
瓊樓十二銅壺轉踏波無聲鵲頭
輓黃河走海無還期幾度蓬萊水清
淺但道天上勝人間微波不達良獨
難芙蓉泣別天亦老淡白長空動秋
曉

偈仄行擬古

偈仄復偈仄徒步出門路如棘丞相
[甯]無逢故人將軍安用有揖客高城
月落烏夜號繞樹三匝無枝棲烟波
千里渺何處此心已逐南鴻飛九陌
黃塵泥人面咫尺相逢不相見刺繡
何如倚市門伊優一任誇堂殿世間
萬事皆鴻毛檇蒲百萬差足豪嗚呼
男兒墮地何可無錢刀

種竹行爲石四鏡心

葆元

同年作

長安市上成一闕欲尋芳草地無空三間飢屋傳舍如但
有凝塵滿飛棟朱門酒肉醉飽死誰甘閒抱灌園甕君家
金谷非不豪七尺珊瑚詎堪種商量瘦俗吾輩能况復探
囊有餘俸百箇價重青琅玕淨洗泥斑劖苔縫頓令牕紗
轉深碧几案如嵌白雲洞清風入徑劇瀟灑朝寫龍姿暮
禽笑欵門嘯詠能幾人把臂惟將阿咸共

謂令姪孝廉綸

我來一

日三摩抄茗椀薰爐伴清供忽因風雨憶吾廬
訊平安
屢珍重長盡捎雲未得看與君同作江南夢

八月初四夜食蟹石孝廉如軒

綸

以余不能飲戲約

中秋月夕賭酒命以詩爲敵賦此答之並示令叔

鏡心同年

天生此手只持螯未許當筵把濁醪已分趣輸徐邈聖

將詩比曼卿豪盤中風味堆長劒江上歸心折大刀

君連日歸

思甚近是月明君且住還堪醒伴竹林邀

中秋雨晴月色甚皎

前歲孤吟洞庭夜素波嫋嫋木葉下去年爛醉金陵秋繁
絃急管鳴高樓悲歡一念相遷徙事往只如風過水即今
天北望天南明月隨人數千里西風捲樹生暮寒銀河隱
映浮雲端暗蛩有語不能歇棲鵲無枝猶未安悄立空庭

露華冷葛巾翩翩弄微影不須更問鏡中顏素髮一絲先
掛領百年鼎鼎知幾何歡娛苦少愁苦多誰能妄作大槐
夢坐令清景成蹉跎世事陰晴難料取男兒志願天應許
君不見陵晨尚是蕭蕭雨却放清光滿寰宇

蘭坡編修留食笋脯蕨芽皆鄉味也

故人新得故鄉書千里黃封破甕初冷客杯盤邀對酒春
山風雨夢攜鋤生涯儘有魚羹處世味猶憐鼠壤餘一觸
南烹歸思劇何時爭席狎樵漁

九日釣魚臺二首

訪秋聯騎出郊園一徑穿林見碧津樹已得霜猶有影坐

纔臨水便無塵未須風景誇吹帽且可烟波學把綸佳處
每憐游屐寂信知城市少閒人

西山晴翠太離奇倒影泚泚似溪陂秋水白涵歸鳥路夕
陽紅上釣人絲才名尚憶王飛伯愛士難逢李右司欲問
明昌巡幸事祇應惟有老漁知

送石如軒孝廉赴汝州

秋風落葉長安陌疎柳條條送行客千里寒衝去雁行一
車碎碾眠駝跡與君相逢曾幾時相逢不覺心相知慨慷
輒擊鐵如意磊塊頻澆金屈卮每言日夕歸心急九轉腸
如轆轤汲瀟刺探懷字盡磨阮囊見底錢猶澀昨朝新得

大雷書兩字平安百慮祛久客儘教彈劒缺高堂不肯寄
文無連雲大厦無棲處燕市酒徒留不住虛說松滋買棹
歸却從柏谷搖鞭去冷雲衰草霍陽西落日青山一髮低
潔膳每懷河上鯉元談聊聽汝南雞天涯何必傷飄泊男
兒冪作紇干雀生來識字始憂患愁裏著書甘寂寞余亦
欽奇可笑人浮名無用絆吟身也知面壁難成果不慣持
籌合得貪風懷同調偏相戀欲寫停雲付圓扇屈指遙思
後會期論心試訪先賢傳畢竟鯨魚跋浪開隨珠越劒豈
終埋聊將燕趙悲歌意持贈徂徠作頌才

蘭坡編修邀集新寓卽席四律

宣武坊南宅移居屢往還書多家具少市闐客心閒樂事

東西屋才名大小山

時與令兄靜齋少司寇同寓

邇英同對罷屬目羨

朝班

掃葉回廊轉披莎曲徑通林陰交麗殿石勢小玲瓏衣袂
黏空翠塵堪避軟紅北窗時跂脚天際有飛鴻

故事君家好持杯話古藤酒徒猶往日詩社定中興閉戶
冬心抱攤書夜課增草元非寂寞風味稱條冰

憶昔聯吟榻雙槐歲幾遷

君舊寓名雙槐書屋乙丑夏予借榻其間

蕭齋仍舊

榜樂府又新篇

近見示所作進呈新樂府

賭墅花間奕行厨竹裏烟

肯容相對飲不惜蹇驢鞭

送吳大渭南

廷輔

孝廉出都往令弟衡堂

鴻裁

明府

鄖縣署即東姪蓮圃秀才

朔雪衝寒雁一繩鄖關迢遞接房陵纔經綠樹連牆話

夏初

同寓邸舍月餘

此去黃河徹底冰上堵風烟牽夢寐江東兄弟並

才能阿咸相見如相問故紙堆中被凍蠅

寒夜久坐有懷

元穹高不極廓落無纖靄素魄凝寒光一道白如帶懸空
注冰池炯炯欲破碎冷色透毛骨積水滿庭內爐焰逼更
青燈光淡如晦夜久朔吹生無風自成籟感彼關山長念
此時序邁兀坐飛夢魂恍惚出人外天路不可窮微霜溼

雁背

曉寒曲

巖城不斷紉如鼓重衾壓夢迷處所夢中脚蹴屑冰峩門
外北風吼雕虎地爐石炭青紅光紙帳豔豔棲輕霜林深
牕暗不肯曙倒回海水傾扶桑雞棲上距噤不醒老鶴枝
頭最先警豐貂者誰不知冷踏踏馬啼聲撼枕

太平鼓辭

放空鐘擊羯鼓大兒跳索小兒舞六街三巷聲鏐鏐催取
宜春上門戶盡道今年勝去年料得明年應更愈和者風
甘者雨春田宜麥夏宜黍人無災厲物無苦太平世界逾

百年此樂傳聞自先祖願兒擊鼓速長成識字勝于挽強
弩君不見海盜三千齊解甲百丈長鯨首弭俯吾
皇不殺真神武彈箏戛瑟懽未央黃金爲觴客酬主延年
益壽萬萬古

黃貞女詩

貞女幼字同里朱某未婚而夫夭女時年十四矢
志守貞至丁卯歲元日病卒年二十有五

皎皎雲間月盈盈樓上姝十五尚不足十三頗有餘將圓
忽復缺誰爲蝕此金蟾蜍曹娥無父兒無夫天崩地塌哀
不殊熒熒復熒熒蒿簪三寸麻爲襦一燈熒然映機杼青

天石爛碧海枯季隗之年復何待如歸豈願留須臾春風
暖不回椒花變爲荼可憐月黑星亦無雙飛漠漠尋泉途
君不見破鏡上天心事畢終有清輝照幽室名門江夏本
無雙占得死期猶第一

小游仙詩

通明夜奏綠章封閭闔門西紫氣濃莫倚人間隔天上疏
璃光透卅三重

紫府樓臺隔絳河飛來熒惑語偏訛九天雨露原均被不
許金莖得獨多

萬里飈輪一夕馳彩箋新製步虛詞不因玉骨香桃瘦那

得仙閑借鶴騎

曾記蝸皇鼓橐時鍊成五色一卷遺惹他來往靈仙駕著
意摩挲沒字碑

手折扶桑撥霧開青睛不著下方埃彩囊恰有新盛露留
與先生洗眼來

青天一局當彈棋巾角雖工未可知辛苦成興在人世枉
教師事寇謙之

柱下棲遲二百年出關猶自著牛鞭却愁安息黃金少難
抵徐郎崔役錢

聰明善讀上清書博士修文愧不如慧業生天終有日何

妨暫死餌飛魚

一聽釣天夢易醒更無心事到殊庭紅霞鋪得平如席卧
看天街策馬星

頭銜蕭散領陳芳蘅薄芝田興未央明月長圓春久駐不
知人世有炎涼

朱節母詩

皚皚山上雪繞山百折溪流咽溪流鳴咽聲正悲中有啼
鳥萬行血孤雌無雄不復雙空閨志隕身未亡下有黃口
上有尊與章陵虛尖翼川無梁解古井沈沈貯寒水破鏡
埋光土花紫朝饑不得餐朔風鳴閨裂十指肝腸兩摧絕

機絲不能理

解二

杳杳兮蒼天冥冥兮黃泉爲夫撫兒望兒

賢含酸茹悲不知幾須臾忍死至今四十又六年

解三

兒成

名母心折兒欲養母髮白阿母呼兒來孃死兒勿悲孃今
見爺心安之門前棹楔何巍巍履霜苦節含春暉松耶柏
耶不可轉者石耶

解四

窮途歎爲友人作

甯從猛虎食莫扣富兒門
甯息惡木陰莫望達官塵
達官沈沈府中居誰知門外多窮途
千里相投一刺敝可憐不
及戟上烏莫言疇昔易相見
人海相逢無貴賤一朝鼓角
開雄藩何由得覩宣明面
昨聞道旁詈申申問之乃是其

至親金多不肯贍三族位高劣能榮一身君看骨肉尚如此况爾悠悠行路人徘徊復徘徊窮途不須恥但得中朝貴人書一紙明日到門應倒屣

春日述懷

乍暖還寒未定天馬蹄聲裏日高眠玉壺春酒詩如雪銅輦秋衾夢化烟詎必子雲逢後世漫勞張緒憶當年頭顱似許須知計合把勲名換一編

張節母詩爲馬上舍國賓賦上舍母孫也

霜稜稜風縷縷堇荼雖不甘不及母心苦良人歿時年廿五青天高高厚黃土欲往從之無處所上堂吞聲奉威姑

卷九

古

回看女與兒牽衣淚如雨

解一

一膈膈膊膊火鳥飛上屋東鄰

西舍號咷哭數重之茅燎何速一焚已蕩盡三焚使我寸

椽不及縮中宵無棲數黃鵠

解二

今年歲在鼠明年歲在牛

道殣纍纍高如邱朝餐噉榆屑晝行拾杞不得休集枯巢

危恐不保撫膺擗天爲愁

解三

三牕下鳴機絲絲成可垂餌

庭前植女貞陵冬已結子一年復一年居然抱孫矣孫能

讀書母心喜寒谷陽春自茲始

解四

四誅蕩蕩天門開孫今負

笈太學來高門齷齪饜粱肉齏鹽獨使心顏摧爲我述母

節言之有餘哀語君勿復哀不見古時懷清臺苦節之貞

必有後好取五花爲母壽

解五

求是堂詩集卷十

寄藤集

涇縣 胡承珙 墨莊

張烈婦詩

己巳四月寓地安門外一室頗幽靜客有言及此地爲前臺灣道永福所居宅林爽文之變永以事被逮其妻張氏與訣泣解其夫所佩刀並帶一條曰君此去得生幸甚脫不幸請以此殉遂隨至京永論絞西市獄上張遂以是日縊于所居即此室也其家以其夫有罪不敢爲請旌予聞而哀之爲詩以弔焉

一室蕭然號蝸寄客來爲話當年事道有捐軀殉節人三
尺絲條畢此地此地蛛絲鼠跡蒙階除春雨草心紅淒涼
侍女簾前月瀟灑夫人林下風夫人少小津門住深閨不
識門前路翼宿光前姓望高浮雲嫁後韶華度夫壻東方
最上頭天涯隨宦荔支州衙齋噩夢驚宵柝海國妖氛動
暮愁一朝蟻集紛如沸黑雲莽壓孤城閉五夜持籌燭助
燒三軍授甲綿親製事定方論釀亂初封疆激變有餘辜
踉蹌鐵鎖鳴緹騎慘淡囚衣上檻車車前訣別肝腸割地
老天荒誰復惜乞取臨淮靴裹刀封將賈婦頭邊帛二物
聊當破鏡持此行生死總相隨血痕斷續三千里殉具摩

抄十二時妾返深閨郎在獄妾身已死空張目奩具都教
爪葛分辦香刺向蓮華祝聞道爰書奏當成可憐西市曉
霜清從夫已決生前志無子徒憐死累輕從容獨向牀垂
拜素錦文梁手親掛死頸仍爲共命禽連環猶是同心帶
此事傷心十載餘曾無棹楔表門間斜扉粉字題何在壞
徑苔痕剥欲無我時聞之悚然起肅肅靈風灑窗紙金谷
何妨以罪誅玉兒不獨緣情死况是堂堂結髮人貞心勁
節足千春濡將彤管新題句慰爾黃昏舊哭魂

寄家翥雲孝廉漢口

君在當年鸚鵡洲探懷敵刺欲誰投江天影裏孤飛鶴闌

聞聲中獨客舟憶我游踪曾畫壁

子以壬戌丁卯兩遊其地

干人心事

且登樓如何漢水雙魚白不見封書慰別愁

青春作伴便辭家風雪同乘薄笨車長路醉醒終日對春

今

同入都寒甚予不勝杯杓而君輒一日數醉

殘年南北各天涯霜清江上何人

笛木落燕山幾夕笳君是遄歸吾未卜憑將離恨訴梅花

次韻家玉鑊孝廉由金陵之吳門道中見寄

滄波一片平如席想得君身滿秋色錦囊况貯青山多收拾江南與江北此時意氣隘九州解衣濯足青溪頭興酣仍作吳淞游參差木落凭高樓太湖三萬六千頃好與鳬鴈同拍浮奇書倘可探林屋名士或者逢糟邱書來莫問

金臺客落拓不知元尚白清愁一段勝洗馬善病終年學
莊舄狗屠燕市今無多側身誰與同悲歌未能邱壑決歸
計那堪歲月隨驚波便欲從君漫游去菰蒲蕭蕭夢中路
有田二頃桑百株肯使紅塵一生誤

己巳除夕

古來無歷日草木觀榮衰人事不至相迫促渾沌那識徂
年悲大撓無端作甲子從此人知老病死漸漸推排成古
今區區年月分頭尾送窮窮不去守歲歲不留誰爲造此
屠蘇酒使我未飲心先愁卅年以後四除夕渾洞舟車異
南北

予今年三十有四丙寅除夕在浙江判將歲界畫鴻
丁卯里居戊辰儀徵舟次今歲都門

溝催得年光迅駒隙年來萬事堪破除難除只有霜一梳
灰堆鏡聽總知妄頭顱四十行可想耳邊車馬聲隆隆天
以冷淡便吾慵竟將枯坐棄歲月此意未免辜天公東鄰
西鄰喧爆竹紙牕青熒燈一粟兀兀燈前檢書讀

除夕前一日蘭坡編修招飲歸憶馬臺卿

筆勲

孝廉

座中語有感賦此寄蘭坡

終年困塵土不滿囊底粟尋常一飯未肯輕只與君家酒
杯熟街西相隔無百屨更欲從君借書讀飲酒苦太少讀
書復不多出門自覺寡徒侶閉戶未免成蹉跎平生歲月
飛鳥疾歡場一晌回頭失重來便是隔年人不用平原期

十日昨日已故今日新眼前人海何紛紛饒渠作計最悠
久百年之後無一存座中有客忽語此此語非劍亦非因
請客勿復道令我傷懷抱君不見羊公最愛峴山巔身後
魂魄期流連當時湛輩懼沒沒至今亦與名俱傳吾儕有
文貴相定姓氏可以書綴聯百年寂寞賴此耳與君相期
非眼前讀書須強記飲少亦須醉少年已去老未來只此
其間可無意醉歸街鼓欲二更薰爐炙硯融輕冰詩成一
笑天宇濶荒雞喔喔參旗橫

贈朱虹橋

鍾

大尹

君似昂藏一野鶴孤飛不逐羣雞啄赴官人盡兼程馳君

尚淹留童子師此意安恬即今少他日長官知定好宦情
自淡詩興濃五嶽一一蟠心胸金山焦山繫烟艇大孤小
孤升絕頂游蹤屢踏天邊雲獨抱孤琴送鴻影自言於世
無所求石田茅屋思歸休人生何者爲清福但享一年願
已足君言一發旁人嗤未進求退毋乃癡拂衣淡蕩愛同
調君懷除我誰能知眼底神仙足官府塵中滋味如腐鼠
紛紅駭綠意未厭止坐一俗無由矻我亦年來行萬里溲
落隨身一襪被可憐身計尚浮雲不覺韶華付流水故鄉
相去無幾何各有青山在夢裏盧若何妨物外游向禽終
棄塵中屣大明湖頭望吾子布襪青鞋何日始

君時銓山
東縣令

來朝

多病俸錢供藥物長貧囊篋剩詩篇萬言不值一杯水六
印何如二頃田難遣秋霜銷鏡裏且呼明月到樽前來朝
人事誰能料得失紛紛劇可憐

憶舊

一水盈盈盪畫橈綠陰低覆赤欄橋垂楊記取烏藏處曳
雪牽雲第幾條

淺色衣裙閒掃粧牙牌斜掛繡羅囊問知今日孟蘭會歸
自清涼舊道場

雙渦微笑目初成添得紅潮滿頰生昨日畫船樓下過水

紋簾影欠分明

綠瓜朱李鬪浮沈滿座關心獨淺斟有意欲儂知味苦剥
將蓮子不抽心

抱得琵琶拜導師月明絃索定場時夜深烟水秦淮濶偷
把憑欄玉笛吹

玲瓏牕格琢梅花明月穿空印碧紗忽訝羅浮來夢裏不
知真在玉人家

綠葉青絲一色堆鬢邊不道有花開玉釵偶掛聞薌澤消
得佳名喚夜來

病馬行

星熒熒雞喔喔馬後馬前列雙燭石滑傷馬蹄泥深沒馬
腹何況馬上人豐貂面如鵠苦言告客君馬疲殺君馬者
誰爲之一尺之極君所持不見欸段猶堪騎客言四座應
以領胸中冷暖君自知三更酒闌客初罷門外籠燈催上
馬

盆中水仙

馬塍開遍上元宵稚蝶癡蜂信尚遑莫惜空齋春事晚一
叢猶及占花朝

隨分栽來老瓦盆清泉微注尚嫌渾憐渠耐過三冬冷只
有朝陽是受恩

平生水石話因緣任使濃薰惱破禪我是金門中隱客不
成學佛愛游仙

閑居

閑居春過半曾未啟軒櫺芳草天涯綠家山夢裏青敝裘
經累月疎髩已微星莫問塵中事浮沉寄一萍

四月九日過蘭坡藤花吟舫

過眼春光去如瞥滾砌楊花攪飛雪丁香萬結空復空海
棠落盡燕支紅枝頭惆悵成陰綠滿架朱藤覆詩屋藤花
欲開猶未開乘閒客爲尋詩來主人歸遲客能待小院蜂
聲鬧如海游絲弄影日正中無花有葉猶玲瓏况復石旁

香細碎紅紫斑斑有餘態客行非忙恰未閒一春未叩花
前關世間得喪何足戚浪擲春光最堪惜春歸幾日猶未
遲有意補詠花前詩寄語花開壓簷朶更欲從君醉白墮
首夏門外即目

牆頭無青山簷瓦亦寡色庭中無芳草舉步嫌偏仄門前
瓦礫場地有百弓隙清陰交四鄰愛此芳樹碧莫色蒼然
來高枝森動魄冥濛棲閒雲蕭疏帶歸翼望望疑村居稍
與市廛隔城鼓嚴初更應知絕來轍高詠驚兒童比鄰不
相識明月如有情穿林欲窺客

西郊道中有懷家蓮浦孝廉

一雨落紅盡澹然生綠陰停車指曠野秀色開平林閑雲
有遲意野鳥無高心沿堤拾芳草始覺溪流深橋南四五
家籬落頗蕭森微嫌道傍住時聞車馬音水鄉此時節新
秧綠如鍼東菑餉梨黍西舍貽桑葢窗間一壺酒興至堪
孤斟一從棄鋤耒勞歌渺難任夢隨零雨斷念逐飛花沈
故人守鄉里獨抱邱中琴何時託魚腹惠我洛生吟穆然
如清風可以開吾衿

烏鵲謠

鳥啞啞鵲楂楂城南多鵲城北鴉城南足冠蓋城北饒風
沙鵲飽飛欲高鳥饑聲更譁鳥能告憂鵲告喜饑飽由來

只坐此君不見孤飛雲中鶴片雪翻從塵外落碧澗青苔
恣飲啄尚不爲鳥況爲鵲

晨起同人至陶然亭

四月不知夏氣候如涼秋初陽出林罅萬樹光欲浮人聲
漸稀鳥聲雜城南百頃皆平疇野花多黃紫復間雲氣乍
白紅初收陂陀百級出孤磴層軒一面開雙眸此間埃壒
不到處青天欲落簷瓦頭蘆葦已解作風響麥苗未免懷
雨憂車帷久閉忽軒豁放眼便欲窮齊州高下幾點皆蟻
垤古今一例成貉邱盛筵良會渺何有俯仰陳跡隨東流
君不見庭旁神屋著靈異辦香有客邀探籌仰天落落一

長嘯自斷此生何所求

西便門訪翟述庵

發宗

孝廉

數日不出門幽憂若籠鳥十客久不遇信知閒人少南風
獵獵吹白沙眯眼轉愛車帷遮城西僻處訪君去驅車入
谷如褰斜風聲更雜水聲響環城五里河流賒居人稍稀
水泉好爲我鄉味烹濃茶君從故鄉來茶樹方萌芽即今
筍蕨亦已老此間芍藥猶未花越禽代馬各殊性得已豈
肯輕辭家去年送君歸今復與君遇君顏成削困行路只
我纛纛亦非故相逢握手休相詢經年飽食五斗塵借君
茗椀一澆洗始覺肝膽增清新

獨游崇效寺看牡丹

坡陀高下帶禪宮，綠樹如山一徑通。
地僻更無蜂使到，春寒留得鼠姑叢。
磬聲孤繞篆烟碧，花氣徧蒸晨露紅。
煮茗僧雛休數客，者般閑事有誰同。

藤花歌爲朱蘭坡編修賦

豐宜門外半茅舍，人盡種花如種稼。
好花只向擔頭看不許，風前自開謝初時入市直尚高。
幾日眞成土同價，何似君家百尺藤自在。
繁英占高架，紅雲烘得靈禽迷。
黝幹蟠疑老虬化，長令白日駐簾前。
不放青天露簷罅，紛紛儘讓羣葩先。
獨引春光入炎夏，莫嫌較比東鄰遲。
花若早開人

未暇羣葩落盡空樹身餘香轉乞藤梢借綵索輕搖舞未
終繡衣亂搭粧初卸客與游蜂一樣癡永日留連到清夜
槐風涼傍鬢邊吹竹露浩從身上瀉百杯既醉客不辭萬
點欲飛君莫訝君不見壘石曲處枝交亞尚有清陰覆層
榭

晨起過董小榭同年久話歸賦一篇兼柬徐少鶴

頌

並索和章

蠟言梔貌何紛紛逢君只覺無不真析桂炊珠太碌碌見
君只覺無由俗天門握手三百人就中意氣唯君親相親
豈獨冠三百十萬人家無此客秋風昔日聯鳴鑣車箱聽

我吟聲高解鞍欲卧君苦倦只我巡檐尚千遍鈴聲乍歇
聞櫓聲篷窗兩岸秋花明永陽江上別君處小立匆匆賦
長句三年踪跡渺不聞我行勞倦尤過君晴川閣上臨風
坐我後君先適相左繞廊扶壁尋君詩見君題名君不知
中間相思那堪說寸腸幾許容百結揭來人海無枝栖二
鳥尙復分東西杜門偶爲覓君出往往參差不相值冷官
何事未得閒吾儕聚首天所怪比鄰終歲不思見君家蒼
頭我亦羨聞呼君實知其誠識我名紙歡相迎餽餽正甚
君已飯說餅殷勤向人勸六合以內無不談所不及者米
與鹽談猶未終僕催走門外雇車待難久尋常愛說燕市

暑住久益覺心情孤對君懷抱始一攄下筆拉雜氣頗麤
我詩不工聊自娛差異世上論癡符君詩能真復不俗曷
不爲我鼓應桴因君更問南頭徐作詩曩嬾今何如

瓶中芍藥

嬾尋鶯燕話春寒忽地相思到藥欄拋却故園紅滿眼轉
來塵市買花看

含顰含笑態依稀故轉銀缸背翠幃不看花身看花影愛
他影瘦勝花肥

伴人終日檢芸籤檢到將離恨轉添作計思留香久住風
門不遣換疎簾

昨以詩柬小植并送二石求篆私印既蒙和詩又以
石質稍劣別取佳石鐫章見贈且云踐乙丑九月
舟中之諾作此謝之

愛君作詩如作篆古色不受俗目玩更復作篆如作詩清
氣早沁人肝脾贈君以詩得君和譽我猶嫌語多過乞君
之篆慮君却詎知君尚憶前諾新詩古篆來紛披發篋伸
紙光陸離以蚓投魚我願足何意將磚復引玉昨君爲我
鼓隴胡襲石學得梧臺愚質粗不足供一擲所恐我詩亦
如石君譽我詩石則否云有良材蓄之久五年一語終不
忘記月在戊歲在丑姓名不屑掛人頰却喜今朝出君手

出君手知君心論交似此一拳石錫我已勝千餅金摩君
篆百回讀君詩一紙恍惚如君出其裏報君無物惟詩耳
燈花落處成一篇好把紅泥印箋尾

雨後納涼

睡醒聞啼鴉青林片時黑風雨交危檐雷霆走虛壁十丈
飛黃埃藉茲一洗滌如將大還丹活我古苔色屋角融泥
香槐花落如積半樓明夕陽濃陰未踰刻爽氣生西山欲
暑不可得移榻當前楹齋鐘晚來寂恍惚芭蕉聲涼棚墮
疎滴

問小檀疾

君學維摩方隱几我尋阿勒與同龕頭風苦乏陳琳檄
雪難勝王儉簪千里浮雲飄薊北五更涼雨夢江南相看
詩筆俱無恙來往風流是所耽

移寓僧寺迷懷

眞成家具少于車一片書壇兩擔書客久衣裳都綻裂交
稀門巷半生疎天將小暑涼如許人近中年嬾有餘百未
安排先放枕便思尋夢到華胥

慣愛攤書傍佛檠城南精舍畧知名鐘魚解喚年年夢梁
燕能窺處處情聊以篇題銷永晝肯將舖餽誤平生
藏副終何日曾與匡廬有舊盟

東少鶴

紛紛大雅詫扶輪終古文章貴性真我輩東方皆傲吏君

家南閣舊功臣

昨與言說文繫傳中數事及之

比鄰友好偏工病

謂小

插架書多不算貧底事玉臺風調在嬌拋心力作詩人

餽小櫨琴筍

君家問政山我家琴溪水鄉夢撩人各千里絕憶驚雷筍

萌美小桃開後燕子來春盤磊落青瓊堆別來長盡捎雲

竹坐思煮簣空徘徊下憐作脯遙相餉沁齒清森有餘醲

令人長想荷鋤歸落石頭雨琴溪上抱疴君定憶山居暇

粥聊堪切笋菹更記翻舟話鄉井藥查風味似桐魚

乙丑舟中

言及吾鄉琴魚一名藥查
魚與君鄉桐魚絕相似

求是堂詩集卷十一

諭領集

涇縣 胡承珙

良鄉道中雨晴

六月事行役所望惟一雨平生畏熱心默禱天已許畿西
第一程出郭日亭午綠樹交濃陰清風徹蒸暑雷聲傍西
出油雲忽然聚十里穿前林林禽欲驚舞雨過雲亦收青
天忽堪覩涼颼砭人肌瀟灑到徒侶盤輿坐兀兀餘滴尚
三五恍惚夢醒時疎篷聽江潏

道旁柳

道旁柳長條還短條儘擡青眼送行客不知萬里如何遙

卷十一
折柳頻年贈人久此日青青忽在手若將飛絮比飛花拂
席沾泥事皆偶春明門上烏夜啼擇盡卑枝不肯棲憚渠
踈地低垂意只辦長條絆馬蹏行人歸來柳能說去時黃
塵來目雪

雨後新城早發

風雨三更捲怒濤晨途泥潦濺征袍細泉近淀流都急短
樹連雲望亦高此去漫誇收駿骨幾人猶困試牛刀邑大尹係
庶常改外故及之新涼到骨
君恩似瘴嶺千重敢憚勞

雄縣道中

水淺沙平入望遙
雨餘新漲訝通潮
樵風一席歸何處
燕尾溪流雁齒橋

黃榆綠柳夾澄川
猶似江南四月天
唼喋沙頭憐漫畫
不知世有信天緣

夜過趙北口

昔時設險處偷度不可得
今茲美景夜過意殊惜
月黑星亦無但覺水氣白
高下馬蹄聲危欲墮橋石
籃輿殘夢搖惺忪烟波訝
與江南同天雞叫夢海雲
暖曉日已吐珊瑚紅

將至河間大雷雨

朝看海雲紅暮看海雲黑黑雲一層白一層雨脚千條插
西北觸石膚寸纔須臾雲耶雨耶皆模糊征人在途僕夫
急如吼雷聲欲追及雲光白處雨輒隨策馬欲背雲頭馳
回看雲已塞寥廓作勢似欲吞瀛莫入城卅里疾不停飛
雨著衣龍氣腥

早發河間

何處昨宵雨早涼迎客過天長遲度雁沙淨穩眠駝老柳
餘腔在高蘆出節多夢醒思卯飲一酌已成醅

阜城行館久憩

匡床及簾輿客夢各分半借茲黑甜游默令郵籤換百計

趁一涼兀兀幾昏旦赫然畏亭午驕陽熾爐炭千里無寸
陰所恐金石爛一室欲留憩童奴盡驅散鳥聲寂前庭蛛
網落虛幔神安夢亦佳恍惚游汗漫得非乘風輪已到羅
浮院綠樹陰東偏始聞僕夫喚行行至廣川投宿尚未晏

德州東孫觀察淵如星衍前輩

曾見洪厓立指麾

謂雅存太史

更聞孫博屈刀爲大名連絕今

誰輩小學研深久欲師

以拙著小爾雅疏證就質

且喜鄭鄉聯舊誼

君祖

籍鳳陽

肯令鄴架乞新知草書不暇匆匆甚莫遣傳觀帳下

兒

平原至高唐州

燕齊千里開兩眸平原盡處連岡邱行人上馬歷樹罅遙
看出沒如乘舟此間得雨定應早但見禾黍光油油輿夫
乞漿捧盞缶田父見客停鋤耰願風不狂日不烈嗟我與
若同所求征途畏暍禾長槁人生各自爲私謀若將食力
比素飽只我尚覺顏驥益此行六州半萬里能不一日兼
兩郵狂風吹沙撲人面日云暮矣思少休田父爲我指一
塔塔下已是高唐州

入山東境後沿途因禱雨禁止屠宰予適以腹疾蔬

食近一旬矣戲東史大荔園

譜同年

大夫試問即墨阿誰工撫字誰催科屯膏竭澤有由致天

意豈必仇麥禾神明不遇束夫子祈禱枉用驅巫魔屠門
督責祇細故食肉詎便干天和犧牲圭璧有常法不見漚
血荆白鷺我行十日苦腹疾蝨腸夜吼如鳴鼙啜粥正爾
厭穢膩所恐君腹無由皤昨宵今日幾雷電微雨屢挾清
風過隨車有頌固未敢催詩或者傾天河請君蘸筆和我
作墨雨一灑成滂沱不煩更守太常戒爲君翠釜烹紫駝

東阿山行二首

十日不見山修眉想天際驅馬臨河干橫空見蒼翠行行
入深谷一徑枉蛇細轉復不見山徒爲兩崖蔽此中一與
一隘處不容騎時清無設險行李亦非易知費幾輪蹄巧

歷不能記安得巨刃揚剗除就平地一唱吾山平千秋有
餘思

駿馬思騰坡迫束不得騁兩厓殊童童株樹渺無影惟餘
欲崩石作勢壓人頂尤工貯白日釀作火烈猛客行魚游
釜人家蛙在井喝極思少休得漿敢望茗却愧室中人笑
客汗流頸豈伊殊炎涼祇由判動靜三歎逐前旌即事可
深省

曉登兗州城樓

南來經數郡此地足登臨雨後清川合門邊綠樹深高樓
先曉色曠野欲秋陰杜老題詩後浮雲自古今

鄒縣道中

蒼莽層坡望未窮
眩人白日眼朦朧
高枝鳴鵲占風信
芳草羣羊憶雨工
祛暑有方憑食飽
酬

恩無計祝年豐
君看蔽野青青色
禾黍高低百里中

滕陽行館作

幾處郵籤遞曉鐘
行厨飯罷意先慵
微風樹亦生歡喜
長日山猶帶睡容
官道儘看新鷲堠
客懷無改舊龍鍾
連朝底物相思切
活火新烹苦茗濃

銅山道中

百里蒼山道
檜枒亂石根
風搏羊角勁
塵蹴馬蹄昏
古冶

銷烟火殘碑蝕蘚痕河流明滅處遙望識彭門

柳泉宿竹映山房次張葍齋宗伯壁間韻

疾風吹雨闔還開暫浣征衫五斗埃客倦但思尋簟席馬
飢都欲齧莓苔三間茅屋蒼山麓終古河聲濁浪隈七十
年中賓主盡打門看竹更誰來

宗伯詩作于乾隆辛酉因與主人有舊故屢憩其廬云

徐州渡河

萬瓦真成釜底居登艫平眺盡淮徐空濛烟雨孤城裏洶
湧河流九曲餘側岸帆檣隨雁鷺滿堤人氣雜龍魚一杯
不爲祈風便祝爾安瀾

睿念紓

桃山驛遇雨沾濕晚宿褚莊答史大

暮宿依河干曉行別河許廿里殘夢醒猶聞河流怒日午
何人起伏龍欲捲河水翻雙洪疾風追客頃刻及飛雨四
面交相攻蒼黃欲避何暇擇暫借牛宮傍豚柵一隊淋漓
如溼雞野老闔門尚闕客客行投宿聞嚴更對竈燎衣縱
復橫牕前羸馬齧枯薦逆作蕭蕭腸斷聲終宵轉側歌獨
漉水深泥濁埋馬足故人寄語行弗忙明日相期宿州宿
雨後山行

一夕前山雨溪流盡有聲嫩鴉翻樹動老蛤吠人行別塢

烟猶濕高原氣更清征途殊未已歸計負催耕

四鼓發宿州

明月戀枕函照客作清夢客行乘早涼
裊裊尚相送露華飛帽輕山影壓衣重
遙林生虛籟積水明空洞宿鳥驚欲飛
村老偶然閨月黑天未明迷途不須恐
煌煌東南隅曉星大如甕

濠梁驛同史大作

淮山淡淡水舒舒又向鍾離駐傳車識路敢云吾
似馬臨流安見子非魚闌風伏雨愁長道清簾疏
簾憶舊廬莫爲疲勞思爛睡且看明月夜牕虛

臨淮月夜涼甚不寐

月影橫南牕水光直北戶盪成空明界不復見簷宇孤榻
生夜涼清夢落何許烏鵲疑曙光驚飛兩相語老魚亦不
眠唵喁聲可數平生愛水月佳處輒魂與即此一夕快足
解十日暑要當買蓑笠江湖裹烟雨安能馬蹏間終歲飽
塵土

紅心驛

憶昨濠梁漱齒眠親人魚鳥共悠然題詩愛說紅心驛逃
暑思參白足禪咽咽殘蟬風滿樹亭亭孤鷺水平田老青
幼綠淮南景何處秧歌不可憐

廬州道中憶家

夢花如貧女淺淡無濃妝
新苗如穉子慘綠初成行
清風何處來入袖生微涼
離離散苗影細細傳花香
綠樹忽搖動白雲時低昂
遙想紫芝嶺已異黃茆岡
山川盡淮甸風景開江鄉
江鄉最幽處吾家天一方
東菑聚臺笠西舍攜壺漿
夢去四鄰集書來三徑荒
歸思正悽斷引領川途長

村舍午憩

隴頭紅日欲乾泥
碧黍黃粱長未齊
茆屋晝長人語靜
林陰漠漠午雞啼

田婦

綺袂青裙似越谿如霜白足稱扶犁南飛孔雀千秋怨腸
斷廬江小吏妻

梅心驛

綠樹陰濃喚鷓鴣輕雲一抹帶山浮風蒲獵獵荷衣亂十
里陂塘淡似秋

舒城行館坐雨

青山都在屋頭橫白日猶懸嶺上明雨向鷓鴣啼處密風
從楊柳過來輕一涼已足千金值百里何妨兩日程檢點
平生雙蠟屐來朝犂确試初晴

次日山行即景東史大

虛檐一夜雨沉沉古木千章曉尚陰雲截巖腰平作案泉
鳴谷口細于琴未愁瘦馬衝泥滑且聽涼蟬出葉吟珍重
溪山最佳處故人能否共幽尋

桐城道中值雨

淺碧深青幾疊山馬蹄聲裡費躋攀雲峯乍障東南壁雨
勢先侵大小關北破關土名大關又有小關在其南溽暑全消林樾綠鄉音
漸熟鳥綿蠻何人試潑龍眠墨著我烟巒杳靄間

天柱山歌

千山萬壑皆如龍頭尾天矯牙鬚雄林岫石棧互鉤貫其
來乃自西南天柱之高峯陡然拔地七千丈但有劣削無

回客下窮元泉洞幽穴上礙白日迴蒼穹何煩巨靈劈太
華詎畏怒觸來共工擎天有力此終古南巡往事思元封
盛唐樅陽屯萬騎鑾輿警蹕如岱嵩興酣直下射江水一
矢截潮蛟血紅古來此地號南岳不數米廩堆祝融茂陵
千載悶秋草金泥玉檢無遺蹤平生五岳有奇癖竭來指
點開心胸但見四無依傍亭亭在空白雲繚之一西一東
頗聞沈初明通天有表無由通昨晤桐城令沈君云會
任潛山欲登不可得我
欲乘元氣倏忽陵長風摩頂撫投子揮手謝皖公一聲咳
唾落天外坐看江山萬古青濛濛

潛山縣

一片溪山色真成玉照鄉

縣本懷寧縣之玉照鄉元至治間析置

陂塘瓜蔓

水籬落豆花香露草含秋氣風枝帶早涼前河

潛水逕縣北今名前

河遙望好城郭鬻蒼蒼

山行望雲氣二首

一山奇橫一山直片雲通明片雲黑雲出于山皆學山但有窈窕無癡頑看雲轉恐山欲惱盡被雲奇奪山巧世間萬事皆浮雲山真雲幻誰能分幾日山行朝復暮雲穴雲根盡知數不愛看雲出岫時思量認取雲歸處

層山如紙疊百幅青雲山巔白雲腹誰能擲筆描虛空山青雲白難爲工山前一片平如掌決決稍聞水泉響清泉

百折不出山護田一帶長彎環我家亦在山中住最愛水
窮雲起處天公有意許看山行盡淮南十程路夢魂時共
水雲飛巖紅澗碧紛無數昨宵夢醒猶清酣錯疑江北爲
江南

黃梅望道場山

此行佳興是山游况復山前碧玉流莫問熟將梅子未可
能趁及荔枝不觀心也作無塵鏡入世仍如不繫舟欲借
松風涼透骨明朝相送渡江州

孔隴驛早發

雞棲未醒憎客忙殘燈耿壁夜未央馬窺客意獨奮迅寅

前子後貪微涼不知蔽野稊稻熟但覺滿身風露香斷續
時聞馱鈴語高下只視燈燭光蟲聲未絕百草底鳥夢已
轉千松岡殘月五更忽在水曉霞一抹光明塘露華欲晞
惜夜短天影漸濶知江長將從白蓮結宗社且向黃梅尋
道場吾儕大事最易了晝眠一榻松風旁

白湖

破額山前幾曲谿東風吹動碧玻璃只疑是物明禪性大
芋高荷盡向西

渡尋陽江和史大

好風相送渡江關醜酒臨風片刻間與我同心如白水期

君洗足入青山

約以歸時同遊廬山

兒時歲月那能憶

君云四歲時隨宦北歸會

一渡楊子江今三十一矣

世上功名孰肯閒五畝一廛須早計莫令

神物恠人頑

江中望廬山

廬山一別今五年胸中如記故人面尋常對客話奇勝談
者忘疲聽忘倦塵中擾擾何事無芝田瑤草愁荒蕪偶然
清夢落山頂吟魂一夕飛江湖南來六月日如火一朶涼
雲馬前墮不教風雨迴俗駕廬山倘肯故人我片帆婀娜
陵江開江流滔滔終不回世間萬事似江水可憐惟有青
崔嵬江上居然見顏色山鳥山花盡相識取將倒影入杯

底不許蛟龍更爭得年來苦被市人輕笑我長飢太瘦生
但使青山成莫逆人生何必要時名

東星子令鄭夢白同年

我昔曾爲廬山客醉筆題詩透山石君久山中作主人定
應饒盡蒼蘚壁主人詩好客不如客今復過山之隅見山
不見主人面欲寫停雲寄團扇記得主人猶少年客老亦
未成華顛名山可卧終有約世網欲脫仍無緣文書如山
人似海吾儕一入迷幾載剩將詩筆置懷中長共青山色
不改畢竟山靈也愛詩留君故遣官遲遲軒車莫問道旁
客終日妬君君不知舊遊如夢尚思續主人須防客不速

倘能爲我留黃犢便欲騎之訪白鹿

清泉亭

鳥飛不在山魚戲不在水細翮與纖鱗都在清輝裏豈惟
能娛人物亦輾然喜一亭嵌空明影落鏡川底濃綠下層
巖祇恐壓亭圯懸厓字垂雲古井泉冰去聲齒亭前可維舟
何人此暫艤不如溪上漁終年弄清泚吾家清弋江佳處
亦如此去國經三年見人欣其似况茲風景同久坐那思
起子明騎白龍琴高跨赤鯉安得乘長風故鄉僅千里

再熟稻和史大

南隴行歌北隴續五月居然糴新穀卦畝連雲乍捲黃秧

針刺水旋抽綠穰金康木筵成歲趣歛催耕不逾宿沃壤
終須人力勤熟鄉祇覺天行速娶來健婦勝鋤犁教得嬰
兒辨種桂朝春白雪素流碓暮炊紅蓮香滿屋况聞南海
誅鯨鯢不用東方輓芻粟無復藉兵齎盜糧惟見賣刀買
耕犢 國家尚減什一稅閭閻眞餘三九蓄我來無事采
風謠一味豐年太平曲

高安道中即目

一縷炊煙繞屋斜青山坳處有人家短松覆地皆如草細
水翻渠亦作花尚賴清飈憐過客每看落日炙歸鴉輕衫
快馬何須騁要識吾生自有涯

清江縣口號

不見清江繞縣灣
閑人無賴廨三間
何當痛飲宜春酒
卧看城東閣皂山

江村

翠竹滴清露
金灘江上村
片帆移樹杪
新漲入籬根
築圃秋收早
連筒曉汲渾
由來好風景
多半在柴門

七夕

芳意經時謝
羈愁觸處生
紅墻天上影
碧草路旁情
砧杵秋聲入
干將夜氣明
何人占斗野
銀漢一槎橫

峽江縣

古戍問巴邱清川倒峽流山禽飛背郭汀草綠隨舟五嶺
稀來使雙江少去郵十年三過此疎鬢尚禁秋

峽江曉渡

曙光乍動千山開紅霞一朵江上來櫓聲如雁拍江水鷗
鷺曉夢驚初回來岸青山三百疊蕩得波光鏡開匣中流
迴首望山城片片晴雲落飛堞日昨寄書回故山爲言行
路彫朱顏吳頭楚尾足風景可惜身手無時閑江岸人家
啓扉早長年三老亦未還江山如此豈不好何事崎嶇十
八灘

終日行田野間往往迷路

犖确山田覓徑遲揮鞭盡日拂茅茨野花黃似蝶雙翅秋
樹碧懸蟲一絲長路關山來北極幾年詩酒負東籬縱橫
阡陌迷人眼何必揚朱始泣歧

吉水道中暑甚

縱吸西江盡何能解鬱蒸思餐金井汁

金井在廬陵見水經注

勝飲

玉壺冰字水波三折梯田路幾層獨憐豐歲好米價問廬
陵

廬陵望青原山憶舊游

我昔游青原江路野梅發殘雪棲巖松了了見禪闕齋堂
寒磬聲冷然入山骨留連五笑亭坐見飛鳥沒塵中近十

年歲月去飄忽跡與名山違時恐芳草歇今來螺川行盛
暑方鬱勃千金買清風百計覓翠樾安得山中泉一酌解
我渴獨往不可期負此雙布襪早晚定何時青山映黃髮
泰和道中寄都門同人暨吾鄉江南秋試諸君

可有仙槎汎杳冥

仙槎江在泰和縣東南

貪看幽景信前程東西昌

縣青山滿左右溪流碧玉明白下

泰和古名白下

風光疑建業清

秋雲物憶燕京故人兩地相望切快閣何由倚晚晴

金竹嶺

何處洲邊五色雲亂峯高欲逼斜曛愁心已共山千疊莫
更灘聲遣客聞

將至萬安大雷雨

風聲忽怒號雲氣亦周遭落葉尋蟬翳深林拾鳥毛雨圍
千樹黑雷拔一峯高十八灘頭水平添第幾篙

萬安山行雜詩

青山不知數夾立江灘上仍復不肯平與灘鬪奇創灘灘
各異勢峯峯亦殊狀或銳如劍鉞或列如屏障矗如陵雲
臺森如羽林仗或如馬脊高或如虎牙向或婀娜如花或
翻騰如浪百重恣掩覆兩厓束犇放曷不稍逶迤屹起誰
肯讓山亦非得已鑄鏡出天匠欲敵百灘奇固宜此疊嶂
灘尚有時平春波一篙漲

卷十一
圭
山山土戴石多岨少崔嵬盤根互鈎絡直下接灘尾微徑
通山腰側脈入石理何人費斧鑿寬處劣容趾想當開闢
初山石更礪礪連羣如牛羊競走飲江水腹飽不上山縱
橫卧江底遂令章貢流萬古濺石齒

人家負山住石室殊偏窄作計思騰空覩此江岸隙架木
支一樓懸厓構百尺俯瞰檣頂鳥隨手疑可掇銅餅汲修
綆日日飲江碧隔岸遙相望不語徒脈脈江間朝暮霞祇
射半樓赤不如看炊烟同時出屋脊何異博山爐雙煙一
氣白

朝來沿江行一轉入山脅遂爲山色裹卷舒成百摺白雲

都生衣青苔欲上頰山中飯初罷馬蹄仍蹀躞石底流暗
泉隱與灘響接厓窮忽無路復見江可涉歷歷上賴魚飄
飄依槩蝶清風山上來送我渡江楫舍舟仍著屐山形稍
妥帖却看來時路青青知幾疊此行雖紆回佳處意轉愜
何時理歸榜天際下一葉頃刻百灘過千山入轉睫會心
各有境不在遲與捷

宿攸鎮驛

合沓千巖送夕陰愛看孤館月華臨風牆灑落棕櫚影露
砌空明蟋蟀心秋熱果如垂老健夜寒方信此山深

吾鄉
諺語

云老健春寒秋後熱言不
久也又云深山夜夜寒

莫愁終日醒眸倦夢裡詩多耐

可尋

贛州使院

暫借雙江水征塵滌滿襟蘭香依坐密竹色罩園深曉日

章山翠秋風粵嶠陰樓居如有意應許共登臨

院有翠玉樓扁閉不

得上館人云有物據焉故戲及之

水輪歌

風輪水輪相周遭斷竹續竹流白膏翻江立海傾波濤正
自不煩人力操豫章之水濁浪淘中流堰截成一壕輪當
其衝置輻半輻間片席輕于毛關輅不用犴脂熬藉水激
輪聲伐礮截筩插輻如短篙一一旋轉隨輪尻此筩甫下

彼筩高下時挹水如手撈高處一注成滔滔近厓平地承
以槽縱橫接筩皆繁勞散入衍沃流隰臯是時晚稻抽翠
毫農夫不須望眼蒿稻畦水足堪嬉遨漢陰丈人抱甕勞
不知人世有桔槔乃用機事相訾訾此語固足鳴鼎鼎獨
善畢竟非賢豪一人圍供萬室陶何如此輪連六鼃神功
默運澤徧叨明堂左禹右有咎惠及九土無哀嗷下視巢
許眞螭螭一漚自足悲爾曹作詩羞學寒蟲號快吐胸臆
開天發